

# JANMIEN SIELE BLE JUNMAN

## AFUE 2011, ၃၀ ဧပြီ

### LE MOCUE M'BO I BO ၃၀ ဧပြီ ၂၀၁၁

Jue 44 ye srele

#### □ Asɔnun'n i Biblu'n nun like suanle:

fy nde tre 6 § 23-25 ye i nun flanle kuku'n (Min. 25)

#### □ Janmién junman dile suklu:

**Biblu'n nun kannganle:** Nyanndra Mun 7-11 (Min. 10)

**No. 1:** Nyanndra Mun 8:1-21 (Nán maan o tra miniti 4)

**No. 2:** Se sran kun se e ke: "Ke Janmién Siele'n i ble'n jú'n, nn m'an wu"—rs-F bue 342 § 4-5 (Min. 5)

**No. 3:** Sa nga ti ye Janmién Ndé'n waan nán e 'bu e wun sran kpa'n"—Aku. 7:16 (Min. 5)

#### □ Junman dile apia:

Jue 134

**Min 5:** Jasin mun.

**Min 15:** ?E fali ajale so'm be su e niannin? Ijole nin nzrafue'm be kosan usale. Koko nun wa'n, nde akpasua wie'm be fiteli Janmién Siele Ble junman fluwa'n nun. Bo be su kpe kan. Be ye: "?An kwla bo jasin fe'n Mɔnnien cен?" (km 5/11) o nin "Akpo nuan jasin fe'n bole m'ba nvle'n." (km 6/11) Wafa nga nzrafue'm be fali ajale nga be o fluwa so'm be nun'n be su'n, ye ye m'ba yoli be'n, maan be ken i nde.

**Min 15:** "Maan e uka sran mun naan be bu nde sin." Kosan usale nin i su tele. Ke amun ko wie nde kpole 3 i su yale koko'n, amun yi sa kun nglo. Be usa jasin fe'n bofue kun i kosan, o teman su amannien su. I sin'n kle i wafa nga o kwla te kosan kunngba so'n su amannien su'n.

Jue 102 ye srele

### Maan e uka sran mun naan be bu nde sin

<sup>1</sup> ?E jasin fe'n bole'n nun'n, ajale benin ye o ti kpa o? ?Nga mo e se ke saan fii e nde lie'n su ye sran'n fa o? ?Annze kusu nga mo e uka sran'n naan w'a bu akunndan naan w'a wun sa wle'n niōn? Ke Akoto Pɔlu kán nde klé Tesaloniki lɔ Zuifu mun'n,

1. ?Jasin fe'n bole nun'n, ajale benin ye o ti kpa o?

o ukali be naan b'a bu akunndan naan b'a wun sa wle. O maan 'be nun wie'm be kacili Janmién i sufue.' (Yol. 17:2-4) ?Se e waan sran kun bu sa sin naan o wun i wle'n, ngue ye o fata ke e yo o?

<sup>2</sup> **Wafa nga sran'm be bu sa mun'n o nin sran'm be finwle'n:** Se e kunnde ke é úka e jasin bowl'e'n nun lɔ sran mun naan be bu sa sin'n, o fata ke e fa e pin sie i wafa nga sran'm be bu sa mun'n i su. Ke areopazi lɔ'n, Pɔlu ijo Gleki mo be suman Janmién be prun'n, o dun mmua kan-nin ninnge nga be lafi su'n i nde. (Yol. 17:22-31) O maan ke é ssesié e wun é kó bó jasin fe'n, maan e bu ninnge nga sran'm be lafi su'n o nin sa ng'ɔ kwla wo be safle'n, be akunndan. (1 Kor. 9:19-22) Se e nde tiefue'n kan nde wie kpalo e nuan'n, maan e kunnde nde nga e nuan kwla se su'n, naan e koko su yale.

<sup>3</sup> **E usa kosan ngwlele su:** Se sran kun su ko lika naan o se e ke e kle i atin'n, se e siman lika nga sran so'n wo dɔ nga su'n, e su kwlá klemen i atin'n. I kunngba'n, se e kunnde ke e nde tiefue'n wun i wle ke e nde'n ti nanwle'n, o nin i fata ke e si i klun akunndan'n. Kwlaa naan Zezi w'a tu nde kun bo w'a kle sran mun'n, kpe sunman o dun mmua usa be kosan naan w'a si be klun akunndan'n. Cen kun'n, sran kun useli i ke: "?Ngue ye ñ yó naan m'an nyan anannganman nguan nin-ɔn?" Ka naan Zezi w'a te i su'n, o dun mmua kunnde-li ke ó sí sran so'n i klun akunndan'n. (Lik 10:25-28) Ble wie nun mo Pieli w'a teman kosan kun su ke o nin i fata'n sa'n, Zezi useli i kosan ngwlele su naan w'a kaci akunndan'n ng'ɔ bu i nde so'n su'n. (Mat. 17:24-26) O maan, se sran kun usa e kosan annze o kan nde wie m'ɔ timan su'n, e kwla use i kosan naan w'a kwla bu nde'n i sin.

<sup>4</sup> Ke e uka e nde tiefue mun naan b'a bu sa sin'n, e soññzɔn Zezi m'ɔ ti Like Klefue Danfue'n o nin Klistfue klikli'm mo be si jasin bo kpa'n. Ye, e kle ke e bu e nde tiefue'm be sran. (1 Pie. 3:15) I so mo e yo'n ti'n, be kwla kplin su ke cen uflé e sa e sin e ko nian be osu ekun naan e nin be e koko Janmién i nde'n i su yale.

2. ?Ke é bó jasin fe'n, wafa se ye e kwla fa Pɔlu i ajale'n su o?

3. ?Wafa se ye ngwlele su kosan usale'n kwla yo naan y'a uka sran mun naan b'a bu sa sin ɔn?

4. ?Ngue ti ye o nin i fata ke e mian e pin naan e uka sran mun naan be bu sa sin ɔn?

## LE MɔCUE M'BO I BO ɔKTɔBLU I LE 17

Jue 85 ye srele

### □ Asɔnun'n i Biblu'n nun like suanle:

fy i nun flanle, nde tre 5 nin 6 (Min. 25)

### □ Jlanmien junman dile suklu:

**Biblu'n nun kanngane:** Nyanndra Mun 12-16 (Min. 10)

**No. 1:** Nyanndra Mun 15:1-17 (Nán maan o tra miniti 4)

**No. 2:** ?Ngue ti ye be fa srele nga Zoova i klun jɔ su'n sunnzun ansans m'ɔ bɔn fannin'n niɔn? —Jue. 141:2; Ngl. 5:8. (Min. 5)

**No. 3:** ?Nzɔlile benin ye o kle ke e wo men'n i ble kasien'n nun ɔn?—rs-F bue 89 § 2 (Min. 5)

### □ Junman dile apia:

Jue 12

**Min 5:** Jasin mun.

**Min 20:** Maan e sasa e mma mun sa sukusu-ku'm be lika—Akpasua 2. Ijɔle'n ti asɔnun kpennngben kun lie. O taka afue 1993, ɔktɔblu 8 Réveillez-vous ! i bue 5-9 nin afue 2007, ɔktɔblu Réveillez-vous ! i bue 3-11 be su. Wafa nga be kwla fa nde so'n su amun lika'n nun lo'n, an kɛn i nde.

**Min 10:** "Nán an sisi amun bo." Kosan usale nin i su te'e. Amun se be nga be oli suklu laa mo b'a yo kpennngben ande'n, o nin gbanflen nin talua mun naan be kan be suklu lo jasin fe'n bole nun nde.

Jue 80 ye srele

## Nán an sisi amun bo

<sup>1</sup> Atrekpa ke mo amun kunndeman ke be sri amun ti'n, ble wie nun'n, suklu lo jasin fe'n bole'n yoli kekle mannin amun. ?Nén i ? Nanwle, o nin i fata ke e yo yakpafue naan y'a kwla bo jasin fe'n y'a kle sran mun. I li se amun ti sran m'ɔ sa jan'n, ye i so yole'n kwla yo kekle kpa'n niɔn. ?Sanngé ngue ye ó úka amun naan amun a kwla bo jasin fe'n suklu lo o?

**2 Amun yo i ngwlele su:** Se i li bɔɔ suklu'n kwla yo amun jasin fe'n bowl'e'n, nán amun wla fi ke amun su kwlá boman jasin fe'n lo ke amun fa yo i awloawlo'm be nun'n sa. Amun fa ngwlele naan amun a si ble nga m'ɔ fata ke amun kan Jlanmien

1. ?Ngue ye o fata ke e yo yakpa naan y'a kwla yo o? ?Ye ngue ti o?

2. ?Wafa se ye suklu ba'm be kwla fa ngwlele be bo jasin fe'n suklu lo o?

nde'n.\* (Aku. 3:1, 7) Wienun ɔn suklu lo'n, amun su koko nde wie su yale, annze amun suklu klefue'n w'a man amun junman. Amun kwla fe i so ble'n be fa kan ninnge nga amun lafi su'n i nde. Annze kusu se amun wiengu suklu ba kun usa like ti mo amun yoman ninnge wie mun'n, amun kwla kan Jlanmien nde'n kle i. Klistfue gbanflen nin talua wie'm be lie'n, ke be ko tike suklu anuan'n ce'n, be kan kle be suklu klefue'm be ke be ti Zoova i Lalofue. Kpeku be fa Biblu'n i akua nga be kan ninnge nga Zoova i Lalofue'm be lafi su'n be nde'n be fa man be. Wie'm be kusu be fa e fluwa wie'm be fa sie be tabli'n su, i lie'n be wiengu suklu ba'm be kwla usa be fluwa so'm be su kosan.

**3 Amun siesie amun wun:** Se amun dun mmua siesie amun wun'n, sre su kunman amun dan. (1 Pie. 3:15) O maan kosan nga sran'm be kwla usa amun'n, o nin wafa nga amun kwla te be su'n, amun dun mmua bu be akunndan sie. (Nya. 15:28) Se amun le i wun alaje'n, maan amun fa amun Biblu'n o nin fluwa ke *Comment raisonner* o nin *Les jeunes s'interrogent* sa, o nin e fluwa nga be kan ninnge'm be yile'n i nde'n be sie amun pata'n nun. I lie'n amun kwla fa uka amun wun. Asa ekun, amun se amun si nin amun nin'm be ke, ke amún sú Jlanmien awlo lo'n, maan amun yi wafa nga amun kwla bo jasin fe'n suklu lo'n i nglo wie.

**4 Nán amun sa sin bubu amun:** Nán amun bu i ke se amun kan Jlanmien nde'n, srire ce ye amun wiengu suklu ba'm bé srí amun ɔn. Be nun wie mun be kwla wun i ke amun ti yakpafue, kpeku be kwla tie amun nde'n. Sanngé, se be sieman be su'n, nán amun sa sin bubu amun. Zoova lie'n, i klun jɔ amun wun afin amun miannin amun pin. (Ebr. 13:15, 16) Maan amun sre i titi ke o uka amun naan amun a kwla 'kan i nde'n yakpa su.' (Yol. 4:29; 2 Tim. 1:7, 8) Se amun suklu lɔfue'm be nun kun tie amun nde'n, aklunjue nga amún dí'n, amun bu i akunndan kan be nian. Atrekpa'n, cen wie lele'n, i kusu ɔ káci Zoova i sufue wie!

3. ?Wafa se ye suklu ba'm be kwla siesie be wun naan b'a kwla bo jasin fe'n suklu lo o?

4. ?Ngue ti ye o fataman ke suklu ba'm be yaci suklu lo jasin fe'n bole'n niɔn?

**\*NDE NANNDOLIE:** Nvle wie'm be mmla'n nun'n, be kplinman su ke be kan Jlanmien i nde'n awa i suklu'm be nun. Klistfue kpa'm be nanti mmla'm be su. (Mat. 22:21) O maan se amun o suklu so'm be nun kun nun'n, naan suklu klefue kun annze amun wiengu suklu ba kun usa amun kosan'n, amun bɔɔ amun nian ajale nga amun kwla fa'n.

## LE MOCUE M'BO I BO OKTÖBLU I LE 24

Jue 75 ye srele

❑ **Aṣonun'n i Biblu'n nun like suanle:**  
fy nde tre 7 § 1-6 (Min. 25)

❑ **Janmién junman dile suklu:**  
**Biblu'n nun kannganle:** Nyanndra  
Mun 17-21 (Min. 10)

**No. 1:** Nyanndra Mun 17:21–18:13 (Nán  
maan o tra miniti 4)

**No. 2:** Ale'n nin awe'n m'kpen'n be o  
'm'en'n i awielie'n i nzolie'n' nun wie  
—rs-F bue 89 § 3—bue 90 § 4 (Min. 5)

**No. 3:** ?Be nga mo be manmanman  
Janmién mo sanngé ninnge ng'o yili  
be'n ye be manman be'n, wafa se ye o  
fata ke e bu be o?—Rom. 1:20 (Min. 5)

❑ **Junman dile apia:**

Jue 15

**Min 10:** Jasin mun. Fluwa nga é fá mán  
sran mun Novamblu anglo nun'n, bo su.  
Krekun maan be yi i fa manle wafa kun  
annze npón be nglo.

**Min 25:** "Maan e suan like kwlaa nga e  
kwla suen i Zoova sa nun'n." Kosan usale  
nin i su te'e. Se aniaan annze aniaan bla  
kun m' dili anuannze'n nun suklu wafa-  
wafa'm be nun kun'n o aṣonun'n nun'n,  
use i kosan naan wafa nga suklu so'n  
ukeli i'n, o ken i nde kpe kan.

Jue 105 ye srele

## Maan e suan like kwlaa nga e kwla suen i Zoova sa nun'n

<sup>1</sup> Zoova ye o ti 'Sran ng'o kle e like'n' niōn.  
O kunnde ke e si ninnge kpanngban. (Eza.  
30:20) Ke o yili Zezi m'o ti i Wa kpen'n, ye o  
boli like klele bo o. (Zan 8:28) Ke Adam yoli  
pin kekle'n bɔbɔ'n, Zoova w'a yaciman like  
klele. Klɔ sran mo fo o be nun'n, o te kle be  
like klole su.—Eza. 48:17, 18; 2 Tim. 3:14, 15.

<sup>2</sup> Wafa nga ande Zoova su yo naan be kle  
sran'm be like men wunmuān'n nun'n, an-  
wlanmannun'n be nin a yomen i so le. Ke nga

1. ?Wafa se ye Zoova bu like sile'n niōn?
2. ?Ngue ye Zoova su yo i ande o?

Janmién nuan ijofue Ezai fa kannin'n sa'n,  
se é kwlá se'n, asie'n su sran kpanngban kpa  
be su tu sa kpuu bé kó 'oka nga Zoova i sua'n  
kplan su'n i su lo.' (Eza. 2:2) ?Ngue ti ye o fata  
ke e wɔ Zoova i oka'n su lo o? Ke o ko yo naan  
Zoova w'a kle e i atin mun'n ti o! (Eza. 2:3)  
Afue nga be fle i 2010 nun'n, Zoova i Lalo-  
fue'm be fali dɔ akpi ngbinngbin 1 nin sin tra  
su be fa boli jasin fe'n, ye be fa kleli sran'm  
be Biblu'n nun like. Asa ekun le mocue kwlaa  
nun'n, asie wunmuān'n su'n, e kɔ e aṣonun  
105.000 tra su'n be nun, e ko tie Janmién  
nde'n. Krekun sran kpa nanwlefue'n m' si  
ngwlélé'n yi Biblu'n i akua mun anien wafa-  
wafa lele 500 tra su be nun o fa kle e like.

<sup>3</sup> **E jan su ye kpa:** Nanwle, e pannin like  
nga Zoova kle e'n, i su ye kpa! Yele ke be kle-  
li e ke Janmién le dunman kun naan o nian  
e lika. (Jue. 83:18, NW; 1 Pie. 5:6, 7) Asa kusu  
kosan cinnjin wie mo sran'm be fa usa be  
wun'n, e si be su tele'n. Be nun wie mun ye:  
?Ngue ti ye e wun prennēn mo e wu'n niōn?  
?Wafa se ye n kwlá dí aklunjue kpfue'n niōn?  
?Ngue ti ye e o asie'n su o? Asa ekun, Zoova  
kle e wafa ng'o fata ke e nanti'n naan 'like  
nga e yo'n w'a yo ye'n.'—Zoz. 1:8.

<sup>4</sup> Sanngé nén i ngba o. Zoova kpeli suklu  
wie'm be ba naan ó fá úka i sufue kpanngban  
naan b'a kwla di i junman'n kpa b'a tra laa'n.  
Fluwa nga i bue 4 lele 6 nun'n, be boli suklu  
so'm be su. ?Kannze sa wie ti'n, e kwla diman  
suklu so'm be wie'n, sanngé ninnge nga e  
kwla yo e kle ke e si like nga Zoova kle e'n i  
su ye'n, ye e yo be o? Kpe sunman, gbanflen  
nin talua'm be suklu klefue'm be jran be su  
ke be di suklu be o mmua. ?Sanngé, e lie'n,  
Janmién junman'n i dile'n o nin like nga  
Janmién kle'n m' fata ke o yo be cinnjin tra  
like kwlaa'n, ye e wla be fanngan ke be fa sie  
be prun on? Se e suan like kwlaa nga e kwla  
suen i Zoova sa nun'n ikisa'n, é dí aklunjue  
krekun é kwlá pán anannganman nguan.  
—Jue. 119:105; Zan 17:3.

3. ?Wafa se ye amun bɔbɔ, amun pannin like  
nga Zoova kle e'n, i su ye o?

4. ?Suklu benin mun ye be fa kle Janmién i su-  
fue'm be like wie o? ?Ye like kwlaa nga e kwla  
suen i Zoova sa nun'n, ngue ti ye o fata ke e  
suan on?

## Zoova i anuannze'n nun suklu wie mun

### Kannganle nin like klele suklu

- **Like nga ti ye be kpeli i ba'n:** Be fa kle sran'm be kannganle nin like klele naan be bôbô b'a kwla suan Biblu'n nun like naan b'a kwla kle sran uflé like.
- **Ble nga o di'n:** Se asonun'n nun sran wie'm be te le kannganle'n o nin like klele'n be suanle'n i awulie'n, nn be te yo suklu so'n.
- **Lika nga be yo i'n:** Jlanmien Siele sua'n nun lo.
- **Be nga be kwla di suklu'n wie'n:** Jasin bofue nin Biblu'n nun like suanfue kwlaa.
- **Wafa nga be kle be dunman'n:** Asonun kpenngben'm be nian, se o nin i fata ke be taka suklu so'n be asonun'n nun'n, be wla be kwlaa nga be kunnde ke bé dí suklu'n wie'n be fanngan ke be tren i bo.

### Jlanmien junman dile suklu

- **Like nga ti ye be kpeli i ba'n:** Suklu so'n uka jasin bofue mun naan b'a si jasin fe'n bo naan b'a kwla si sran'm be like kle.
- **?Be di suklu so'n afue npew?:** O leman kpé bo.
- **Lika nga be yo i'n:** Jlanmien Siele sua'n nun lo.
- **Be nga be kwla di suklu'n wie'n:** Jasin bofue nin Biblu'n nun like suanfue kwlaa nga be ko apia'm be bo titi'n mo be men dile'n nun'n, be nanti Jlanmien mmla'm be su'n.
- **Wafa nga be kle be dunman'n:** Be nga be kunnde ke bé dí suklu'n wie'n, be bo su kle Jlanmien junman dile suklu'n sunianfue'n.

### Anien uflé suanle suklu

- **Like nga ti ye be kpeli i ba'n:** O uka jasin bofue mun naan b'a suan anien uflé'n naan b'a kwla bo jasin fe'n anien so'n nun.
- **Ble nga o di'n:** Anglo nnan annze nnun. Fue cen nglemun ye be te i yo o, kpekun o di do kun annze npew.
- **Lika nga be yo i'n:** Jlanmien Siele sua'n nun lo.

- **Be nga be kwla di suklu'n wie'n:** Jasin bofue nga be nzuen'n ti kpa'n, mo be kunnde ke bé bô jasin fe'n anien uflé nun'n.
- **Wafa nga be kle be dunman'n:** Beteli'n ye o nian naan se o nin i fata ke be siesie i so suklu'n nin o.

### Jlanmien Siele sua'm be kplanle

- **Like nga ti ye be kpeli i ba'n:** O ti apia sua'm be kplanle nin be ye siesiele junman. Nán suklu jreiiin sa o. Sannge o ti be kwlaa nga be kunnde ke bé fá be wun wlá junman so'n i dile nun'n, be junman klele naan b'a kwla suan sua kplanle junman'i bo.
- **Ble nga o di'n:** O fin aniaan nga be su kle be like'n.
- **Lika nga be yo i'n:** Lika nga be siesie ke bé kplán apia sua mun lo'n. Se sanvuesa wie ti'n, aniaan wie'm be sua'n bubuli'n annze Jlanmien siele sua wie'm be sacili'n, be kwla se aniaan so'm be ke be ko uka be.
- **Be nga be kwla di wie'n:** Aniaan bian nin aniaan bla nga b'a yo be batemu'n mo be nzuen'n ti kpa'n. O timan cinnjin ke be si sua kplanl's'n i wun ninnge wie'm be yo ka.
- **Wafa nga be kle be dunman'n:** Asonun kpenngben'm be fluwa *Construction des Salles du Royaume – Questionnaire pour les volontaires* (S-82) man be naan be kle su.

### Atin bofue'm be suklu

- **Like nga ti ye be kpeli i ba'n:** Suklu so'n uka titi atin bofue mun naan 'junman nga be fa wlali be sa nun'n, b'a kwla guegue i bo.' —2 Tim. 4:5.
- **Ble nga o di'n:** Le mœcue npew.
- **Lika nga be yo i'n:** Beteli'n ye o kle lika'n niow. Jlanmien Siele sua kun nun ye be yo i o.
- **Be nga be kwla di wie'n:** Be nga be ti titi atin bofue w'a di afue kun annze afue kun tra su'n.
- **Wafa nga be kle be dunman'n:** Be nga be kwla di suklu so'n, akpasua sunianfue'n kle be fluwa bo su kle be.

## Beteli lɔ junman difue uflεufle'm be sukul

- **Like nga ti ye be kpeli i ba'n:** Suklu sɔ mɔ be yo i Beteli lɔ'n, o uka be nga b'a ba uflεufle naan be sa w'a tɔ Beteli lɔ junman dile'n nun.
- **Ble nga o di'n:** Le mɔcues kwlakwla o di dɔ kun, i sɔ lele anglo nnan.
- **Lika nga be yo i'n:** Beteli lɔ.
- **Be nga be kwla di wie'n:** Be nga be di junman Beteli lɔ titi'n, annzɛ be nga be kɔ Beteli lɔ be ko di junman afue kun annzɛ afue kun tra su'n.
- **Wafa nga be kle be dunman'n:** Beteli lɔfue nga be kwla di sukul'n, be bo su kle be trele.

## Asɔnun kpenngben nin asɔnunfue'm be lika nianfue'm be sukul

- **Like nga ti ye be kpeli i ba'n:** Suklu sɔ nun'n, be kle asɔnun kpenngben mun o nin asɔnunfue'm be lika nianfue mun wafa nga be kwla nian asɔnun'n i lika kpa'n. (Yol. 20:28) E Jlrun dinfue'm be anuannze'n ye o kle ble ng'ɔ fata ke be di sukul sɔ'n niɔn.
- **Ble nga o di'n:** Afue nga be sinnin le'n be nun'n, asɔnun kpenngben'n be dili sukul sɔ'n cen kun nin sin. Ye asɔnunfue'm be lika nianfue'm be lie'n o dili cen kun.
- **Lika nga be yo i'n:** E apia sua kun nun ye be yo i o.
- **Be nga be kwla di wie'n:** Asɔnun kpenngben nin asɔnunfue'm be lika nianfue mun.
- **Wafa nga be kle be dunman'n:** Be nga be kwla di sukul sɔ'n wie'n, akpasua sunianfue'n kle be fluwa.

## Asɔnun kpenngben'm be sukul (École des anciens des congrégations)\*

- **Like nga ti ye be kpeli i ba'n:** O ti asɔnun kpenngben'm be ukale naan b'a kwla di junman nga be fa wlali be sa nun'n.
- **Ble nga o di'n:** Cen nnun.
- **Lika nga be yo i'n:** Beteli'n ye o kle lika'n niɔn. E apia sua kun nun ye be yo i o.
- **Be nga be kwla di wie'n:** Asɔnun kpenngben mun.
- **Wafa nga be kle be dunman'n:** Be nga be kwla di wie'n, Beteli'n kle be fluwa se be.

## Nvle sunianfue nin akpasua sunianfue mun nin be yi'm be sukul (École des surveillants itinérants et de leurs femmes)\*

- **Like nga ti ye be kpeli i ba'n:** Suklu sɔ'n uka akpasua sunianfue nin nvle sunianfue mun naan b'a kwla 'kle like,' naan b'a kwla nian Jlanmien i bua fa'n mɔ fa mannin be'n i su kpa.—1 Tim. 5:17; 1 Pie. 5:2, 3.
- **Ble nga o di'n:** Anglo nnɔn.
- **Lika nga be yo i'n:** Beteli'n ye o kle lika'n niɔn.
- **Be nga be kwla di wie'n:** Nvle sunianfue nin akpasua sunianfue mun.
- **Wafa nga be kle be dunman'n:** Be nga be kwla di sukul sɔ'n wie'n Beteli'n kle be nin be yi'm be fluwa yia be.

## Aniaan nga be nin a jaman bla'n be sukul

- **Like nga ti ye be kpeli i ba'n:** O uka asɔnun kpenngben nin asɔnunfue'm be lika nianfue nga be nin a jaman bla'n, naan b'a kwla sɔ junman uflε nun ekun. Be kwla fa be nga be di sukul sɔ'n be nun wie mun kɔ be nvle'n nun lika nga be sa mian jasin bofue wun'n be nun lɔ. Be nun sran nga be kunnde ke bé kɔ nvle uflε kun nun bé kɔ dí Jlanmien junman'n lɔ'n, be kwla fa be kɔ lɔ.
- **Ble nga o di'n:** Anglo nnɔn.
- **Lika nga be yo i'n:** Beteli'n ye o kle lika'n niɔn. E apia sua kun nun ye be yo i o.
- **Be nga be kwla di wie'n:** Aniaan nga be nin a jaman bla mɔ be le afue 23 lele 62. O fata ke be yo sran mɔ be wun kpinndin be kpa o. Maan be klo ke bé úka be niaan mun naan be di junman kpa naan jasin fe'nbole junman'n wɔ i prun. (Mar. 10:29, 30) Maan be yo asɔnun kpenngben annzɛ asɔnunfue'm be lika nianfue nga b'a di afue nnɔn annzɛ afue nnɔn tra su'n junman sɔ'n nun'n.
- **Wafa nga be kle be dunman'n:** Akpasua kun apia'n be bo'n, be yo be nga be kunnde ke bé dí sukul sɔ'n be apia kun. Be nga be kunnde ke bé dí sukul sɔ'n wie'n, be tran apia sɔ'n i bo ye be kle be dunman. Ninnge ng'ɔ fata ke be yo'n, bé yiyí nun kpa klé be.

## Aniaan nga be o aja nun'n be suklu (Ecole biblique pour couples chrétiens)\*

- **Like nga ti ye be kpeli i ba'n:** Suklu so'n nun'n, be kle be nga be o aja'n nun'n be like naan Zoova nin i anuannze'n b'a man be junman ekun naan b'a kwla di i kpa. Be kwla fa be nga be di suklu'n so'n be nun wie mun ko be nyle'n nun lika nga be sa mian jasin bofue wun'n be nun lo. Be nun sran nga be kunnde ke bé kó nvle uflé kun nun bé kó dí Jlanmién junman'n lo'n, be kwla fa be ko lo.
- **Ble nga o di'n:** Anglo njɔn.
- **Lika nga be yo i'n:** Do nga su'n be su yo suklu so'n i nun klikli mun Centre d'enseignement des Témoins de Jéhovah, Patersonu lo. I sin'n, bé yó suklu so'n lika nga Beteli'n klé'n be nun lo. Bé yó i e apia sua'm be nun kun nun.
- **Be nga be kwla di wie'n:** Aniaan nga be le afue 25 lele 50, mo be o aja nun'n, mo kusu be wun kpinndin be kpa'n. Maan be yo sran mo be kwla fa be ko lika kwlaa nga be le jasin bofue'n be awulie lo'n. Ezai m'o seli Zoova ke: "Min on, sunman min," maan be aelie'n fe i lie'n. (Eza. 6:8) Asa kusu, o fata ke be yo sran mo be o aja nun'n w'a di afue njɔn annze afue njɔn tra su'n. Kpekun maan be yo sran m'o di ble kwlaa nun Jlanmién junman'n w'a di afue njɔn annze afue njɔn tra su'n.
- **Wafa nga be kle be dunman'n:** Cen ngunmin kun apia'm be bo'n, be yo be nga be kunnde ke bé dí suklu so'n be apia kun. Be nga be kunnde ke bé dí suklu so'n wie'n, be tran apia so'n i bo ye be kle be dunman. Ninnge ng'ɔ fata ke be yo'n, bé yiyí nun kpa klé be.

## Gileadi suklu

- **Like nga ti ye be kpeli i ba'n:** O uka be nga be di junman Beteli i komite'm be nun'n naan be nian Beteli'n su kpa. Asa ekun'n, jasin fe'n junman'n nga asɔnun'm be di'n, o nin nvle sunianfue nin akpasua sunianfue'm be junman'n, ye fluwa kacile'n nin fluwa yile junman'n o nin fluwa'm be likalika'n be nun fa kɔle'n, suklu so'n uka be naan b'a nian be su kpa wie. Kpekun be nian Beteli lo junman uflé wie mun ekun be su.—Lik 12:48b.
- **Ble nga o di'n:** Anglo njɔn.
- **Lika nga be yo i'n:** Centre d'enseignement des Témoins de Jéhovah, Patersonu lo.
- **Be nga be kwla di wie'n:** Beteli i komite'n nunfue mun annze Beteli'n i janunfue nga be o nvle nga nvle uflé su Beteli'n o nian be junman'n su'n, be nun'n. Annze aniaan bian nga mo b'a fe i ke se o ko di suklu'n ko wie'n, ɔ yó Beteli komite nunfue'n annze Beteli janunfue'n.
- **Wafa nga be kle be dunman'n:** Be nga be kwla di suklu so'n wie'n e prun dinfue'm be anuannze'n kle be nin be yi'm be fluwa yia be.

tra su'n, o nin sran mo be ti titi atin bofue w'a di afue njɔn annze afue njɔn tra su'n. O fata ke be yo sran mo be wun kpinndin be kpa o. Titi atin bofue nga be bo jasin fe'n nvle uflé kun nun'n, o nin nvle sunianfue nin akpasua sunianfue mun, o nin Beteli lo junman difue mun, o nin be nga be dili suklu nga be fle i *École de formation ministérielle* wie laa'n, o nin aniaan nga be dili be nga be nin a jaman bla'n be suklu'n, o nin be nga be dili be nga be o aja'n nun'n be suklu'n, se be yia ngalie dile junman'n i wun ninnge be nuan'n, be kusu be kwla kle be dunman wie.

- **Wafa nga be kle be dunman'n:** Nvle wie'm be nun'n, nvle kun apia'm be bo'n, be yo be nga be kunnde ke bé dí suklu so'n be apia kun. Be nga be kunnde ke bé trán apia so'n i bo wie'n, ninnge ng'ɔ fata ke be yo'n, bé yiyí nun kpa klé be. Se amun nvle nun lo'n, be yomen i so apia'n nvle kun apia'm be bo'n, amun kwla kle Beteli'n, naan o kle amun ajale.

## Beteli i komite'n nunfue mun nin be yi'm be suklu

- **Like nga ti ye be kpeli i ba'n:** O uka be nga be di junman Beteli i komite'm be nun'n naan be nian Beteli'n su kpa. Asa ekun'n, jasin fe'n junman'n nga asɔnun'm be di'n, o nin nvle sunianfue nin akpasua sunianfue'm be junman'n, ye fluwa kacile'n nin fluwa yile junman'n o nin fluwa'm be likalika'n be nun fa kɔle'n, suklu so'n uka be naan b'a nian be su kpa wie. Kpekun be nian Beteli lo junman uflé wie mun ekun be su.—Lik 12:48b.
- **Ble nga o di'n:** Anglo njɔn.
- **Lika nga be yo i'n:** Centre d'enseignement des Témoins de Jéhovah, Patersonu lo.
- **Be nga be kwla di wie'n:** Beteli i komite'n nunfue mun annze Beteli'n i janunfue nga be o nvle nga nvle uflé su Beteli'n o nian be junman'n su'n, be nun'n. Annze aniaan bian nga mo b'a fe i ke se o ko di suklu'n ko wie'n, ɔ yó Beteli komite nunfue'n annze Beteli janunfue'n.
- **Wafa nga be kle be dunman'n:** Be nga be kwla di suklu so'n wie'n e prun dinfue'm be anuannze'n kle be nin be yi'm be fluwa yia be.

\* Be nin a yoman suklu so'n nvle kwlaa be nun.

## LE MOCUE M'BO I BO OKTÖBLU I LE 31

Jue 104 ye srele

### ❑ Asɔnun'n i Biblu'n nun like suanle:

fý nde tre 7 § 7-10 (Min. 25)

### ❑ Janmién junman dile suklu:

**Biblu'n nun kannganle:** Nyanndra Mun 22-26

(Min. 10)

**Janmién junman dile suklu'n i nun flanle**  
(Min. 20)

### ❑ Junman dile apia:

Jue 28

**Min 10:** Jasin mun. “?Biblu'n i akua nga e fa man sran mun'n be ti yεinyεin?” Ijole. Nian fluwa'n be fa manle'n i su ajale'n m'ɔ o i bue 8 su, naan kle wafa nga Novamblu i fue cén klikli'n nun'n, e kwla bo sran kun i Biblu'n nun like klele bo'n.

**Min 15:** Like nga ti ye ke é kó bó jasin fe'n, o fata ke e wlawla e wun kpa'n. Ijɔfue'n nin nzrafue'm be koko yale. O taka fluwa École du ministère i bue 131-134 su.

**Min 10:** E siesie e wun naan Novamblu nun'n, e fa periodiki mun e man. Ijɔfue'n nin nzrafue'm be koko yale. Nde akpasua nga be o periodiki'm be nun'n, mɔ be kwla yo amun jasin fe'n bowl'e'n nun lɔfue'm be fe'n, fa miniti kun annze nɔn bobo be su. I sin'n, kpa Sasafue Tranwle'n nun nde akpasua nɔn annze nsan ye usa nzrafue mun naan be kle kosan nga be kwla usa'n, o nin Biblu'n nun nde nga be kwla kanngan nun'n naan b'a fa fluwa'n b'a man'n. Se a le ble'n, fa Réveillez-vous ! naan yo i kunngba'n. Maan be yi wafa nga be kwla fa periodiki'm be man'n, i nglo kunngungungun.

Jue 90 ye srele

## ?Biblu'n i akua nga e fa man sran mun'n be ti yεinyεin?

Fluwa kwlaa nga é fá mán sran mun'n, i su kosan nga o fata ke e usa'n ye o le o. Fluwa nga be nuan'n ti blibliwa'n, mɔ b'a kpa fuai'n, mɔ be ti fiɛn'n annze b'a saci'n, be kwla saci e anuannze'n i dunman'n. Kpekun o yo maan nde kpa nga be man nguan'n mɔ be o fluwa so'm be nun'n, sran'm be pin kwla kpa su.

?Wafa se ye e kwla yo e fluwa'm be cece o? Aniaan kpanngban be wun ke se be siesie fluwa nga be fa be wun'n be likawle'n, i so'n ti kpa. O maan be pata'n nun'n, o le lika kun mɔ be sie fluwa dan-dan mun on, ye lika kun mɔ be sie periodiki nin fluwa pepleple mun nin fluwa nja mun nin ninnge uflé wie mun on. Ke bé síe be Biblu'n nin flu-

wa wie mun be pata'n nun'n, be nian su kpa naan b'a saciman fluwa uflé wie lɔ. Jasin bofue wie'm be siesie be fluwa mun ninnge ke anvelopu sa annze potomo sanwun wie sa'n be nun, ka naan b'a fa wle i be pata'n nun. I kwlaa yoli o, e kunndem an ke é yó naan fluwa nga o timan yeiin mɔ e fa man sran wie'n, i ti'n, be kan e junman'n i wun nde te. -2 Kor. 6:3.

## Janmién junman dile suklu'n, i nun flanle

Janmién junman dile suklu'n, i nun flanle'n i su kosan mun. Le mocue ng'ɔ bo i bo afue 2011 nun, Oktöblu i le 31 su'n, bé fá kosan nga be lɔngɔ su ye'n bé dí junman.

1. ?Ngue ti ye o ti kpa ke be bu e fo o? (Jue. 119:71) [w06 1/10 bue 30 § 5]
2. ?Afstue benin ye e kwla pien i Jue Mun 133:1-3 nun on? [w06 1/10 bue 32 § 3]
3. ?Ngue ye maan e kwla se ke Zoova “si [David] klun lɔ akunndan'n” naan se Davidi ‘nánti ɔ sín o, se ɔ lá o,’ Zoova “wun i” o? (Jue. 139:1, 3). [w06 1/10 bue 32 § 8; w93-F 1/10 bue 11 § 6]
4. ?Sa kekle benin be nun ye Zoova “suan [i sufue kpa mun] be bo” annze o “tinngé” be o? (Jue. 145:14) [w04 1/2 bue 11 § 11]
5. ?Ke be se ke “nde nga n kan kle wo'n,” o nin “min ngwlele nde” nga n kan kle wo'n, ngue ye o nde so'n nun on? (Nya. 7:1, 2) [w06 1/11 bue 9 § 2]
6. ?Ngue ti ye be pin m'ɔ yi Ananngaman'n, ye o ti ‘ngwlele sile'n i bo bole'n’ o nin ‘angunndan'n i bo bowl'e'n’ niɔn? (Nya. 1:7; 9:10) [w06 1/11 bue 9 § 1]
7. ?Ngue yele “like nga be wua be non'n,” ye ngue ti ye o yo “fe” dan'n niɔn? (Nya. 9:17) [w06 1/11 bue 9 § 4]
8. ?Ngue ti ye se ‘nde ts rran nin i niaan be afien'n, i mantanle'n yo ya tra klo wun tale bulé' o? (Nya. 18:19) [w06 1/11 bue 10 § 9]
9. ?Ngue su ye nanndra nga be fa e pin be sie o? (Nya. 27:23-27) [w06 1/11 bue 11 § 9]
10. ?Wafa se ye akunndan'n kwla yo maan awlolo kun di aklunjue o? [w06 1/10 bue 13 § 11; be-F bue 31 § 6]

## LE MOCUE M'BO I BO NOVAMBLU I LE 7

Jue 131 ye srele

### ❑ Asɔnun'n i Biblu'n nun like suanle:

fy nde tre 7 § 11-13 (Min. 25)

### ❑ Jlanmien junman dile suklu:

**Biblu'n nun kannganle:** Nyanndra Mun 27-31 (Min. 10)

**No. 1:** Nyanndra Mun 28:19-29:10 (Nán maan o tra miniti 4)

**No. 2:** ?Wafa se ye Rɔmfue Mun 8: 32 maan e lafi su ke nda nga Jlanmien tali e'n, s yia be kwlaa be nuan on? (Min. 5)

**No. 3:** ?Wafa se ye ke o fe i afue nga be fle i 1914 nun'n, Lik 21:11 kpren su o?—rs-F bue 91 § 1-3 (Min. 5)

### ❑ Junman dile apia:

Jue 55

**Min 5:** Jasin mun.

**Min 10:** Mmoja fale'n i su kosan wie'm be su tele. Ijole nin nzrafue'm be kosan usale. O taka fluwa *Comment raisonner* i bue 362 nde kpole 1 lele i bue 364 nde kpole 2 su. Ninnge'm be nglo yile: Awloawlo'm be nun jasin fe'n bole nun'n, awlofue kun usa titi atin bofue kun sran nun mmoja wla-le'n i su kosan. Atin bofue'n fa fluwa *Comment raisonner* o fa te i su.

**Min 10:** Ninnge ng'o fata ke asɔnun'n fe i pin sie su'n.

**Min 10:** Zoova yimen i sran'm be blo le. (Jue. 94:14) Ijole nin nzrafue'm be kosan usale. O taka *Annuaire 2011* su. I bue 215 nde kpole 1-2, o nin i bue 221 nde kpole 3 lele i bue 222 nde kpole 5. Se nzrafue'm be ke afstue nga nde so'm be man be'n, maan be ken i nde.

Jue 110 ye srele

## Jasin mun

■ Fluwa nga é fá mán sran mun **Oktoblu mun'n:** *Sasafue Tranwle'n nin Réveillez-vous!* Se sran'm be fa be pin be sie jasin fe'n su'n, maan e fa fluwa npa? *Amun kunnde ke amún si nde ng'o ti nanwle'n?* e man be naan e kplin e pin e bo be Biblu'n nun like klele bo. **Novamblu mun'n:** *La Bible – Quelle est son message?* annze *Anaranganman nguan'n i atin'i - Amun a wun i?* annze *An tran minnde!* **Desamblu mun'n:** *Le plus grand homme de tous les temps.* Se bakangan'm be o awlo'n nun'n, amun fa fluwa'n Écoute le grand Enseignant annze Biblu'n nun nde'm be kpole bole fluwa'n be man. **Zanvie mun'n:** *Ngue like ye Biblu'n kle i sakpasakpa o?* Kpale klikli nga e to sran'n, e kplin e pin naan e fa bo i Biblu'n nun like klele bo. Se fluwa'n o i sa nun laa'n, annze se o kplinman su ke e kle i Biblu'n nun like'n, e kwla fa periodiki nga be o e sa nun w'a ce'n annze fluwa ppleeple nga o kwla yo i fe'n, e men i.

■ Afue 2012 nun le mocue m'3 wá bó i bo Avrili i le 2 su'n, i nun'n ye é wá tie E Wla Kpenle Cen ble nun ijole ngunmin

kun'n niçon. Se o yo'n ye bé wá bó ijole'n i fléle'n su o. Kwlaa naan Avrili i le 2 w'a ju'n, asɔnun wie fi nun'n, be su yiymian ijole ngunmin kun ss'n nun.

■ Be wá fá Jlanmien junman dile suklu'n i siesiele'n sfe i anuannze'n i entenet i adresi www.jw.org i su. Sannge asɔnun'm be kwlaa bé ján npɔn fluwa su. Bé fá kun té i tebua'n su Jlanmien Siele Sua'n i nun l. Ye bé fá kun mán suklu su nianfue'n naan w'a kwla siesie suklu'n.

## Ajale nga e kwla fa'n

### E bo sran'm be Biblu'n nun like klele bo, Novamblu i Fue cen klikli'n nun

"Sran wafawafa kwlaa be sre Jlanmien cen kwlaa. ?O maan a bu i ke srele'n i ngba ye Jlanmien tie o?" Maan sran'n te kosan'n su. I sin'n, fa Oktoblu 1 i *Sasafue Tranwle'n* men i, kpekun maan amun koko fluwa'n i bue 30-31 i nun nde nga be o i ce'm be nun kun i bole'n, be su yale likawle. Biblu'n nun nde mma nga be o nun'n, kanngan be nun wie mun anenze be nun kun nun. Fa *Sasafue Tranwle'n* nin *Réveillez-vous!* men i. Kpekun cen nga amún kókó kosan uflé su yale'n, maan amun nuan se su.

### SASAFUE TRANWLE'N® Oktoblu 1 BO ZOOVA I SIELE BLEU I JO

Fa periodiki'n i sin bui'n kle sran'n, kpekun se ke: "Wafa se ye á té kosan nga su o? [Maan sran'n te kosan'n su.] Nian nde nga Biblu'n kan'n. [Kanngan 1 Zan 5:19 nun.] Ke nga e fa wun i le sa'n, "Klunwifue'n" annze mmusu'm be si Satan ye o sie men'n niçon. I ss'n ti e usa e wun kosan wie mun. ?Mmusu'm be si Satan fin nin? ?O ti sran jreiin li? Jlanmien mén i atin ke o sie men'n lele o ju nin? Fluwa nga yiyyi nde nga Biblu'n kan'n i nun."

### Réveillez-vous!® Septembre

"Sika nde ti'n, ande sran kpanngban be wunman be wun fe kaan sa. ?O klun'n, ngue ti ye lika'n w'a kete e su sa ye'n niçon? [Maan sran'n te kosan'n su.] Biblu'n nun ngwlele nde'm be ukali sran sunman sika nde'n nun. [Biblu'n nun nde mma nga be kleli be fluwa'n i bue 8-9 su'n, an kanngan be nun kun nun.] Fluwa nga kle e wafa nga e kwla yo naan kale bole nun'n y'a fa ngwlele y'a nanti'n."

## Jasin fe'n bole nun nde mun

■ Cen kunngun atin bole junman'n i wun ajale uflé nga anuannze'n feli i Avrili 2011 nun'n, o bali nyel kpa **République centrafricaine** l. Sran 791 be dili wie. Dó nga be dili'n, o nin fluwa nga be mannin'n, o nin sran nga be niannin be osu'n be ukali su. Sran nga be kleli be Biblu'n nun like'n be trali Avrili 2010 nun lie'n. Be yoli sran 6.425. O ti ke be tinuntinun be kleli sran kun i Biblu'n nun like sa.

■ **Tchad** l's'n, Avrili 2011 nun'n, sran 163 be yoli cen kunngun atin bofue. Be nuan nin a juman so le. Ajale nga anuannze'n feli i anglo so'n nun'n, o yo jasin bofue kpanngban be fe kpa. Afin o ukali be naan b'a kwla uka be jasin fe'n bole junman'n su.